



TOSHKENT DAVLAT YURIDIK UNIVERSITETI REKTORINING B U Y R U G ' I

20.01.2025

44-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan o'quv intizomi, Odob-axloq kodeksi va ichki tartib-qoidalarini buzish holatlari aniqlandi.

Xususan, 1-kurs A potok 3-guruh talabasi Hoyitboyev Bog'bek Norbek o'g'li, 2-kurs rus A potok 2-guruh talabalari Ismoilova Jasmin Jasurovna, Muratqosimova Dilshoda Pulatovna va Shokirjonov Alibek Ilxomovich, 4-kurs A potok 3-guruh talabasi Olimov Mirjalol Alijon o'g'lilar belgilangan talablarga zid ravishda universitet hududida tamaki mahsulotlarini iste'mol qilganligi aniqlandi va holat yuzasidan talabalardan tushuntirish xatlari olindi. Bundan tashqari, 1-kurs B potok 1-guruh talabasi Hasanov Zulfiqor Sayfullaxon o'g'li oldin ham Odob-axloq kodeksi qoidalariga rioya etish lozimligi bo'yicha bir necha marotaba ogohlantirilganligiga qaramasdan universitetda o'rnatilgan kiyinish va soch-soqol qoidalariga rioya etmay kelayotganligi aniqlandi va holat yuzasidan tushuntirish xati olindi. Shuningdek, 1-kurs rus A potok 1-guruh talabasi Nurilloev Shoxruh Sunatillayevich Konstitutsiyaviy huquq dars mashg'uloti davomida professor-o'qituvchi Karaxodjayeva Okilaxon Rufatovna bilan o'zaro munosabatlarda hurmatsizlikka yo'l qo'yganligi yuzasidan tushuntirish xati olindi.

Yuqoridagilarga ko'ra:

Hoyitboyev Bog'bek Norbek o'g'li, Ismoilova Jasmin Jasurovna, Muratqosimova Dilshoda Pulatovna, Shokirjonov Alibek Ilxomovich va Olimov Mirjalol Alijon o'g'lilari universitet Odob-axloq kodeksi 17-moddasining to'rtinchi (giyohvand moddalar, psixotrop, sintetik vositalar va

ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste'mol qilish va tarqatish) va o'ninchi (Universitet binolari va hovlisida, shuningdek, Universitet binolariga tutashgan hududda spirtli ichimliklar ichish va tamaki yoxud boshqa turdagi mahsulotlarni chekish hamda mast holda bo'lish) xatboshilarida;

Hasanov Zulfiqor Sayfullaxon o'g'li universitet Odob-axloq kodeksi 12-moddasining beshinchi (Universitet xodimi, talabasi va doktoranti bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart) va oltinchi (Xodimlar, talabalar va doktorantlarning tashqi qiyofasi va kiyimlari ozoda, pokiza hamda sochi tartibga solingan, soqoli olingan bo'lishi, ular sochlari noodatiy bir necha ranglarga bo'yalmagan va kiyinish talablariga rioya qilgan holda kelishi lozim) xatboshilari hamda 24-moddasining uchinchi (Talaba ta'lim-tarbiya jarayonida tegishli dekanat mas'ul xodimlarining bergan qonuniy topshiriq va ko'rsatmalarini bajarishi shart) xatboshilarida;

Nurilloev Shoxruh Sunatillayevich universitet Odob-axloq kodeksi 18-moddasining ikkinchi (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim) va 27-moddasining yettinchi (Universitet xodimlari va o'qituvchilariga qo'pollik qilmaslikka, ular bilan tortishmaslikka, agarda ular nohaq bo'lsa tegishli shaxslarga xabar berishga, o'qituvchilarning shaxsiy hayotiga oid noo'rin savollar bilan murojaat qilmaslikka) xatboshilarida belgilangan qoidalarni buzgan.

Yuqoridagilarni inobatga olgan holda Oliy ta'lim to'g'risidagi nizom (ro'yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug'i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-axloq kodeksi tegishli moddalarini buzganligi hamda Magistratura va sirtqi ta'lim fakulteti dekanining taqdimnomasiga muvofiq,

BUYURAMAN:

1. Quyidagilar:

Hoyitboyev Bog'bek Norbek o'g'li – sirtqi ta'lim shakli 1-kurs A potok 3-guruh (ta'lim tili – o'zbek);

Hasanov Zulfiqor Sayfullaxon o'g'li – sirtqi ta'lim shakli 1-kurs B potok 1-guruh (ta'lim tili – o'zbek);

Nurilloev Shoxruh Sunatillayevich – sirtqi ta'lim shakli 1-kurs rus A potok 1-guruh (ta'lim tili – rus);

Ismoilova Jasmin Jasurovna – sirtqi ta'lim shakli 2-kurs rus A potok 2-guruh (ta'lim tili – rus);

Muratqosimova Dilshoda Pulatovna – sirtqi ta’lim shakli 2-kurs rus A potok 2-guruh (ta’lim tili – rus);

Shokirjonov Alibek Ilxomovich – sirtqi ta’lim shakli 2-kurs rus A potok 2-guruh (ta’lim tili – rus);

Olimov Mirjalol Alijon o‘g‘li – sirtqi ta’lim shakli 4-kurs A potok 3-guruh (ta’lim tili – o‘zbek) talabalariga universitet Odob-axloq kodeksining tegishli normalarini buzganligi uchun hayfsan e’lon qilinsin.

2. Magistratura va sirtqi ta’lim fakulteti dekani A.Babadjanov:

ushbu buyruq bilan talabalarni tanishtirsin;

talabalarning shaxsiy hujjatlar yig‘majildiga buyruq nusxasi tikilishini ta’minlasin.

3. Mazkur buyruq ijrosining nazoratini o‘z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa doktori (Ph.D) ilmiy darajasiga yoki xorijiy davlatlarning unga tenglashtirilgan boshqa ilmiy darajalariga yoki dotsent ilmiy unvoniga ega bo'lgan)

A.BABADJANOV



Kelishildi:

Yoshlar masalalari va ma'naviy-ma'rifiy ishlar bo'yicha birinchi prorektor

A.XASHIMHONOV



Direktor

SH.PO'LOTOV



Boshqarma boshlig'i

S.BOZAROV



Katta yuriskonsult

A.TURSUNOV

